

18-20 JAN
2025



APPGM-SDG
MENINGKATKAN KETERANGAN DAN KEMAMPAHAN

LAWATAN PEMETAAN ISU



Disediakan oleh:

Persatuan Promosi Matlamat
Pembangunan Lestari



PERSATUAN PROMOSI
MATLAMAT PEMBANGUNAN LESTARI
PPM-023-14-07012020



GOPENG

DENGAN SOKONGAN DARIPADA

AHLI PARLIMEN GOPENG, YB TUAN TAN KAR HING



TEMPAT-TEMPAT YANG TELAH DILAWATI

18 Jan - 20 Jan 2025
(Sabtu - Isnin)

HARI 1

1. Lawatan Tapak 1: 5 Hotspot Pembuangan Sampah Haram
2. FGD: Pekebun Limau Bali Tambun (Pertanian, komuniti Cina)
3. FGD 2: Ibu Tunggal & PAWE Gopeng (Dun Simpang Pulai)
4. FGD 3: Peniaga-Peniaga Kecil (Dun Simpang Pulai)

HARI 3

9. FGD 8: Komuniti Orang Asli suku etnik Temiar-Semai
10. FGD 9: Komuniti Orang Asli suku etnik Semai

HARI 2

5. FGD 4: NGO, KRT dan Persatuan Pejuang Pesakit Kanser Perak
6. FGD 5: Komuniti Ibu Tunggal
7. FGD 6: Komuniti Peniaga-peniaga Kecil, Penternak & Pekebun
8. FGD 7: Komuniti Belia

11. FGD 10: Komuniti Eko-pelancongan

PASUKAN PENYELIDIK




LYDIA ANN
(Ketua Penyelidik)



ANTHONY TAN



DR. THANARAJ MURUDI



NIK ATHIRAH

LAWATAN PEMETAAN KAWASAN TELAH DIJALANKAN PADA: 18-20 JAN 2025 (SABTU – ISNIN)





20 Januari 2025
FGD 8: Komuniti Orang Asli suku etnik Temiar-Semai

20 Januari 2025
FGD 9: Komuniti Orang Asli suku etnik Semai

20 Januari 2025
FGD 10: Komuniti Eko-pelancongan




12 DISEMBER 2024 - MESYUARAT AWALAN

Mesyuarat awalan bersama YB Tuan Tan Kar Hing, Ahli Parlimen Gopeng, telah diadakan bagi membincangkan pelaksanaan pemetaan isu di Parlimen Gopeng. Tarikh pemetaan isu telah ditetapkan pada 18 hingga 20 Januari 2025. Langkah ini bertujuan untuk memastikan penyelarasan awal dapat dilakukan dan penglibatan pelbagai pihak berkepentingan di Gopeng dapat dioptimumkan bagi memastikan keberkesanan gerak kerja pemetaan.

23 DISEMBER 2025 - MESYUARAT PEMPROFILAN

Sesi profiling bagi kawasan Parlimen Gopeng telah diadakan secara atas talian dan diketuai oleh Lydia Ann bersama Nik Athirah daripada sekretariat APPGM-SDG. Turut hadir dari pihak Parlimen Gopeng ialah setiausaha dan pegawai khas DUN, termasuk En. Jamean, En. William Lee, Pn. Choon Wah, En. Looi Mun, Pn. Christine, dan En. Isyraf.



Perbincangan sesi ini tertumpu kepada penyusunan jadual serta kumpulan sasaran bagi sesi pemetaan isu yang dirancang pada 18-20 Januari 2025.



3 JANUARI 2025 - MESYUARAT AWALAN (DAERAH KINTA)

Dr. Thanaraj, Syaza Mazelan, dan Lydia Ann telah menghadiri perjumpaan awalan bersama Pegawai Daerah Kinta, Tuan Zulhisham, di Pejabat Daerah dan Tanah Kinta, Ipoh. Tuan Zulhisham menyatakan sokongan dan mengambil maklum tentang gerak kerja pemetaan isu APPGM-SDG di kawasan Parlimen Gopeng. Perbincangan turut melibatkan cadangan untuk mengadakan dialog interagensi kerajaan, di mana pihak Daerah Kinta akan bekerjasama dengan Daerah Kampar bagi menjayakan sesi dialog yang dirancang pada 4 Februari 2025.



18 JANUARI 2025 - MESYUARAT PRA-LAWATAN

Perjumpaan bersama Pegawai Daerah dan Tanah Kampar, Tuan Nasrul Fazami bin Mohamad, K.M.N., P.K.T., telah diadakan sebagai sebahagian daripada persiapan pra lawatan untuk Parlimen Gopeng. Mesyuarat turut dihadiri oleh Ketua Penolong Pegawai Daerah, Tuan Ahmad Bashir bin Abdul Rahim, dan Penolong Pegawai Daerah, Tuan Muhamad Sharul Nizam bin Shuhaimi. Sekretariat APPGM-SDG diwakili oleh Pengarah Kanan, Anthony Tan, bersama Lydia Ann dan Nik Athirah. Perbincangan tertumpu kepada persediaan interagensi yang akan berlangsung pada 4 Februari 2025, diikuti dengan sesi pembangunan kapasiti pada 5 Februari 2025.



LAWATAN TAPAK 1: 5 HOTSPOT PEMBUANGAN SAMPAH HARAM

Pasukan penyelidik telah menjalankan satu lawatan tapak di 5 Hotspot Pembuangan Sampah Haram di Parlimen Gopeng. Lawatan ini bertujuan untuk melihat kawasan yang menjadi tumpuan pembuangan sampah secara haram yang berleluasa. Pihak ADUN dan Parlimen Gopeng telah memasang CCTV di 5 kawasan hotspot ini bagi mengurangkan masalah pembuangan secara tidak terkawal. Kunjungan pasukan telah mendapati bahawa pemasangan ini adalah berkesan dalam mengurangkan pembuangan sampah namun tidak sepenuhnya menyelesaikan masalah.



FGD 1: PEKEBUN LIMAU BALI TAMBUN (PERTANIAN, KOMUNITI CINA)

Sesi FGD telah dijalankan di Gerai Limau Bali Heng Kee Kampung Ampang Baru bersama Pekebun Limau Bali Tambun (pertanian, komuniti Cina). Antara isu yang telah dibahaskan adalah: **(1)** tiada geran dan jaminan pemilikan tanah; **(2)** tiada penerusan/ pelapis petani muda disebabkan tiada jaminan tanah; dan **(3)** pekebun tidak layak untuk mendapat manfaat seperti subsidi baja dan racun.



FGD 2: IBU TUNGGAL & PAWE GOPENG (DUN SIMPANG PULAI)

Sesi FGD bersama komuniti ibu tunggal dan PAWE telah dijalankan di Dewan KRT Taman Lembah Permai. Isu yang telah di bangkitkan oleh ibu tunggal merangkumi: **(1)** terdapat ibu yang tidak layak untuk mendapat bantuan ibu tunggal JKM kerana mempunyai aset; **(2)** komuniti memerlukan bantuan JKM kerana usia telah lanjut untuk bekerja dan tinggal bersendirian; dan **(3)** kesukaran melakukan pembayaran cashless.

Isu-isu utama dalam komuniti PAWE merangkumi: **(1)** infrastruktur padang permainan kanak-kanak yang tidak diselenggara; **(2)** air longkang tersumbat sehingga memasuki halaman rumah; **(3)** masalah hidupan liar seperti babi hutan, anjing liar dan monyet; **(4)** kesukaran ke Klinik sekiranya tidak mempunyai kenderaan; dan **(5)** masalah alam sekitar dan kesihatan iaitu letupan kuari hingga menyebabkan gegaran rumah dan masalah asma dan batuk-batuk - sebahagian penduduk diarahkan pindah untuk setahun dan sewa dibayar oleh syarikat kuari sementara rumah dibaiki.



FGD 3: PENIAGA-PENIAGA KECIL (DUN SIMPANG PULAI)

Sesi FGD telah dijalankan di Pejabat JPKK Seri Ampang bersama Komuniti Peniaga-Peniaga Kecil (Dun Simpang Pulaui). Antara isu yang telah dibahas adalah: **(1)** kos operasi bertambah akibat daripada pengurangan subsidi diesel kepada kontraktor G1; **(2)** masalah perparitan yang lama dan tidak diselenggara menyebabkan banjir; **(3)** komuniti susah mencari pelapis dalam kalangan belia untuk aktiviti komuniti; **(4)** masalah pembuangan sampah.



FGD 4: NGO, KRT DAN PERSATUAN PEJUANG PESAKIT KANSER PERAK

Sesi FGD bersama komuniti NGO, KRT dan Persatuan Pejuang Pesakit Kanser Perak telah dijalankan di Persatuan Pejuang Pesakit Kanser Perak. Isu yang telah dibangkitkan oleh NGO merangkumi: **(1)** NGO tidak menerima subsidi diesel menyebabkan kos operasi meningkat; **(2)** tiada kemudahan parking dan tandas awam yang mesra OKU; **(3)** kesukaran ambulans milik NGO untuk mengambil pesakit daripada hospital; **(4)** jalan raya yang beralun, tiada lampu jalan dan ancaman haiwan ternakan dan liar di jalan raya; dan **(5)** ancaman kes pecah rumah.

Isu-isu utama KRT merangkumi: **(1)** peruntukan KRT tidak mencukupi untuk menjalankan aktiviti sepanjang tahun; dan **(2)** kesukaran untuk mencari pelapis dalam kalangan belia untuk sertai persatuan dalam komuniti.

Seterusnya, isu yang dibangkitkan oleh Persatuan Pejuang Pesakit Kanser Perak merangkumi: **(1)** kekurangan kempen kesedaran mengenai kanser; dan **(2)** kos perubatan untuk merawat pesakit kanser adalah tinggi - tiada insurans, tidak tahu ada bantuan kerajaan disediakan



FGD 5: KOMUNITI IBU TUNGGAL

Sesi FGD telah dijalankan di Dewan KRT Lembah Permai bersama Komuniti Ibu Tunggal. Antara isu yang dibangkitkan adalah: **(1)** tiada penempatan ibu-ibu tunggal yang tiada waris; **(2)** tiada maklumat diterima mengenai perkhidmatan kerajaan seperti perubatan Madani & PEKA; **(3)** kos sara hidup yang tinggi & program jualan rahmah yang berkurang; dan **(4)** ancaman binatang ternakan dan liar.



FGD 6: KOMUNITI PENIAGA-PENIAGA KECIL, PENTERNAK & PEKEBUN

Sesi FGD telah dijalankan di Laman Zulfaqar Kampung Changkat Larang bersama komuniti peniaga-peniaga kecil, penternak dan pekebun. Antara isu yang dibangkitkan adalah: **(1)** isu permohonan lesen yang perlu dilakukan dipelbagai tempat untuk menjalankan perniagaan di daerah berlainan dengan harga lesen yang berbeza mengikut daerah; **(2)** tiada penguatkuasaan dalam pembelian minyak kepada warga asing; **(3)** tanah pertanian padi telah diusahakan untuk penanaman kelapa sawit sehingga menyukarkan untuk mendapat bantuan kerajaan; **(4)** sewaan semula pada harga yang tinggi secara tidak sah di petak perniagaan yang disewa daripada MBI; dan **(5)** kos dedak yang semakin mahal.



FGD 7: KOMUNITI BELIA

Sesi FGD telah dijalankan di Laman Zulfaqar Kampung Changkat Larang bersama komuniti belia. Antara isu yang dibangkitkan adalah: **(1)** belia tidak diberi peluang untuk menerajui kepimpinan masyarakat seperti KRT & JPKK; **(2)** belia kurang keinginan dalam kalangan pelajar lepasan SPM untuk melanjutkan pelajaran; **(3)** tiada peluang pekerjaan menyebabkan penghijrahan Belia ke bandar; dan **(4)** persepsi sesetengah belia yang menganggap vape & merokok sebagai budaya yang normal.



FGD 8: KOMUNITI ORANG ASLI SUKU ETNIK TEMIAR-SEMAI

Sesi FGD telah dijalankan di Dewan Tan Sri Bernard Dompok bersama komuniti Orang Asli suku etnik Temiar-Semai. Antara isu yang dibangkitkan adalah: **(1)** jarak SMK yang jauh menyebabkan keciciran pelajar ke sekolah menengah; **(2)** masalah sosial bagi pelajar yang tinggal di asrama sehingga mengurangkan keyakinan ibu bapa; **(3)** masalah capaian internet; **(4)** tiada lampu jalan di jalan utama Gopeng menuju ke Cameron Highland; dan **(5)** pencemaran sungai menjejaskan sumber makanan dan budaya hidup orang asli.



FGD 9: KOMUNITI ORANG ASLI SUKU ETNIK SEMAI

Sesi FGD telah dijalankan di Dewan Orang Ramai Kg Ulu Groh bersama komuniti Orang Asli suku etnik Semai. Antara isu yang dibangkitkan adalah: **(1)** jarak kampung ke sekolah yang jauh menyebabkan keciciran pelajaran; **(2)** kurangnya minat golongan muda untuk bekerja dan belajar; **(3)** tiada bantuan untuk anak-anak OA ke sekolah seperti yuran, buku dan pakaian sekolah; **(4)** kemiskinan haid kerana tidak mampu membeli tuala wanita; dan **(5)** bencana tanah runtuh yang menyekat laluan penduduk kampung.



FGD 10: KOMUNITI EKO-PELANCONGAN

Sesi FGD telah dijalankan di Dewan Kg Pintu Padang bersama komuniti eko-pelancongan. Antara isu yang dibangkitkan adalah: **(1)** harga lesen eko-pelancongan yang tinggi; **(2)** struktur jalan ke kawasan pelancongan yang daif dan berlubang; **(3)** kekurangan penjanaan elektrik dan air untuk menampung permintaan daripada industri eko pelancongan; **(4)** pencemaran sampah sarap ke dalam sungai oleh orang awam mengganggu perkhidmatan pelancongan.

Perbincangan juga telah merakam bahawa Industri pelancongan di Gopeng telah mendapat sambutan yang begitu menggalakkan bukan sahaja daripada penduduk Malaysia juga daripada pelancong luar negara khususnya Singapura, Korea, Taiwan dan Jepun.



**Persatuan Promosi Matlamat Pembangunan Lestari
(PPM-023-14-07012020)**

A-1-10, Blok A, Pusat Perniagaan Seksyen 8, Jalan Sg. Jernih 8/1, 46050 Petaling Jaya, Selangor.

secretariat@appgm-sdg.com

<https://www.facebook.com/APPGMSDGMY>

<https://appgm-sdg.com/>

MENINGKATKAN KETERANGKUMAN DAN KEMAMPANAN